



Concello de Vigo  
Secretaría Xeral

INFORME XURIDICO CON PROPOSTA DE RESOLUCION

Expte: 1138/1102

Informe xurídico de solicitude de acceso á información pública

### **Antecedentes**

En data 24.01.2022 por ██████████ presenta solicitude de información respecto ao expediente administrativo tramitado neste Concello para a concesión da licenza ou título habilitante para a construción das edificacións que se reflicten no punto primeiro do escrito presentado de data 24/01/2022.

Consta a emisión de informe do Servizo de Licenzas da Xerencia Municipal de Urbanismo

### **LEXISLACION APLICABLE**

- [Constitución Española de 1978](#)
- [ei 40/2015, do 1 de outubro, do réxime xurídico do sector público \(LRXSP\)](#)
- [Lei 7/1985, do 2 de abril, das Bases do Réxime Local \(LBRL\)](#)
- [Lei 39/2015, do 1 de outubro, do Procedemento Administrativo Común das Administracións Públicas \(LPAC\)](#)
- [Lei 19/2013, do 9 de decembro, de Transparencia, Acceso á Información Pública e Bo Goberno \(LTAIBG\)](#)
- [Lei Orgánica 3/2018, do 5 de decembro, de Protección de Datos Persoais e Garantía dos Dereitos Dixitais \(LOPDGDD\)](#)
- [Regulamento \(UE\) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos e polo que se deroga a Directiva 95/46/CE \(RGPD\)](#)

### **CONSIDERACIÓNS XURÍDICAS**

PRIMEIRO.- A Lei 19/2013, do 9 de decembro, de transparencia, acceso á información pública e bo goberno, regula no seu artigo 12 o dereito de acceso á información pública, preceptuando que *"Todas las personas tienen derecho a acceder a la información pública, en los términos previstos en el artículo 105,b) de la Constitución Española, desarrollados por esta Ley.*

*Asimismo, y en el ámbito de sus respectivas competencias, será de aplicación la correspondiente normativa autonómica."*

O acceso á información constitúe un verdadeiro dereito subxectivo que se configura de maneira ampla en tanto que son titulares do mesmo todas as persoas sen que as mesmas

|  |                                  |               |
|--|----------------------------------|---------------|
| Copia do documento - Concello de Vigo  | Data impresión: 21/02/2023 10:11 | Páxina 1 de 3 |
| 1138-1102  |                                  |               |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                  |               |

teñan que alegar interese específico nin ser preciso a motivación da súa solicitude.

Aos efectos da LTAIBG (artigo 13) enténdese por información pública *"los contenidos o documentos, cualquiera que sea su formato o soporte, que obren en poder de alguno de los sujetos incluidos en el ámbito de aplicación de este título y que hayan sido elaborados o adquiridos en el ejercicio de sus funciones."* É precisamente a "información pública" así concibida sobre a que se proxecta o exercicio do dereito de acceso nos termos sinalados no artigo 17.1 LTAIBG: *"El procedimiento para el ejercicio del derecho de acceso se iniciará con la presentación de la correspondiente solicitud, que deberá dirigirse al titular del órgano administrativo o entidad que posea la información"*.

A Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque o mesmo a elaborou ou ben porque a obtivo no exercicio das funcións e competencias que ten encomendadas. E iso, para garantir o obxectivo que persegue a norma e que non é outro que *"ampliar y reforzar la transparencia de la actividad pública, regular y garantizar el derecho de acceso a la información relativa a aquella actividad"* (art. 1 de la LTAIBG).

SEGUNDO.- Respecto da solicitude formulada, consta informe do servizo de licenzas da Xerencia Municipal de urbanismo no que fai constar *"Consultados os arquivos informáticos da XMU, consta o expediente tramitado baixo o número 85774/421, procedemento de solicitude de título habilitante iniciado a instancia de PARQUE NACIONAL MARÍTIMO TERRESTRE ILLAS ATLÁNTICAS (CIF S1511001-H), para levar cabo a reforma e ampliación de barracóns existentes a parcela catastral 54057A228000010000YJ. O expediente conta con informes da arquitecta municipal, así como da arqueóloga municipal. Con data 11/06/2016 notifícaselle que precisa informe preceptivo da Consellería de Cultura Educación e Ordenación Universitaria da Xunta de Galicia, toda vez que a parcela se empraza no ámbito de protección do xacemento das Canteiras GA36057151, incluído no catálogo de xacementos arqueolóxicos de Vigo.*

*Con data 29/12/2016 a directora de Patrimonio Cultural emite resolución pola que se autoriza o proxecto, debendo cumprir unha serie de condicionantes expresamente especificadas na propia resolución, engadindo que "deberá presentarse o devandito proxecto arqueolóxico antes da concesión da licenza municipal, para a súa autorización pola Dirección Xeral de Patrimonio Cultural."*

*A dita resolución foi notificada en data 13/01/2017, perante documento de saída 911/2017, constando recibida por persoa autorizada en data 23/01/2017 segundo consta no acuse de recibo que obra no expediente. A data de hoxe, non consta que o dito requirimento fora atendido, polo que o expediente atópase incompleto."*

TERCEIRO.- A resolución da solicitude correspóndelle á Concelleira de Contratación, Patrimonio e Xestión Municipal segundo Resolución de Alcaldía de delegacións específicas do 26.06.2019.

Polo exposto fórmase a seguinte **PROPOSTA:**

|  |                                  |               |
|--|----------------------------------|---------------|
| Copia do documento - Concello de Vigo  | Data impresión: 21/02/2023 10:11 | Páxina 2 de 3 |
| 1138-1102  |                                  |               |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                  |               |

**PRIMEIRO.-** Estimar a solicitude formulada por dona [REDACTED] de acceso a información e facilitar o informe técnico do servizo de licenzas da Xerencia Municipal de urbanismo respecto o estado de tramitación do expediente e que se transcribe no punto segundo destas consideracións xurídicas.

**SEGUNDO.-** Notificarlle á persoa interesada e comunicarlle que contra a presente resolución, que pon fin á vía administrativa, poderán interpoñerse os recursos ou reclamacións que a continuación se indican:

- a) Recurso contencioso-administrativo perante o xulgado do Contencioso Administrativo de Vigo, dentro do prazo de dous meses contados desde o día seguinte ao da recepción desta notificación.
- b) Con carácter potestativo, reclamación previa á súa impugnación ante a xurisdición contencioso-administrativa perante o Valedor do Pobo de Galicia, dentro do prazo dun mes a contar desde o día seguinte ao da recepción desta notificación ou desde o día seguinte a aquel en que se produzan os efectos do silencio administrativo. No caso de optar pola reclamación non se poderá interpoñer o recurso contencioso-administrativo ata que aquela sexa resolta expresamente ou se producise a súa desestimación por silencio administrativo.

Todo iso sen prexuízo de calquera outro recurso ou acción que estime procedente”.

A Secretaria de Administración Municipal, Susana Gallardo Fariña

**DECRETO:** Vista a precedente proposta, **RESOLVO DE CONFORMIDADE COA MESMA.**

Vigo, data segundo sinatura electrónica á marxe

A Concelleira de Contratación, Patrimonio e Xestión Municipal, Dona. Patricia Rodriguez Calviño

Dou fe, a Secretaria de Administración Municipal, Susana Gallardo Fariña

|  |                                  |               |
|--|----------------------------------|---------------|
| Copia do documento - Concello de Vigo  | Data impresión: 21/02/2023 10:11 | Páxina 3 de 3 |
| 1138-1102  |                                  |               |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                  |               |